

թեամբ, եւ վկերնայարկս իւր՝ եւ ոչ իրաւամբ^ա. Եթէ «Յառակ առցին ողբքն, եւ ասացեն՝ եթէ վա՛յ որ ազահեսցէ զազահուլթին անձին իւրում, որ ոչ է իւր. զի եթէ տուևք գեղեցիկք իցեն եւ մեծամեծք իցեն, սակայն յաւեր դարձցին. զի մի՛ որք բնակիցէ ի նոսա մարդ, այլ ճարակ հաւտից լիցի, եւ դադարք գազանաց եւ որջք գազանաց եւ որջք բորենից եւ ճագարաց եւ աղուեսուց, բոյն խորդոց եւ ագռաւուց, եւ անոք սահմանակցաց. վասն այդորիկ ակերեսցին գործք ձեռաց քոց եւ մի՛ շինեսցին, եւ միանգամայն սատակեսցին ամենայն անաւրենքն բնակեալքն ի նմա. եւ եղիցին դադարք եզանց եւ ճարակք ցոռոց, եւ աղուեսք մուտ եւ ելս խաղասցեն յարկս նոցին. եւ մի՛ շինեսցին, եւ մի՛ եւս բնակեսցեն, մինչեւ ցյաւիտեան»:

24 Եւ զայս ամենայն խաւսեցաւ հայրապետն Ներսէս, եւ գնացեալ ի թագաւորէն՝ ելեալ շրջեր ընդ գաւառս գաւառս աշակերտութեան՝ ուղղել կարգել եւ հաստատել զեկեղեցիսն յամենայն գաւառս Յայոց¹: 25 Եւ յետ երից ատուրց անցանելոյ բանիցն ասացելոց ի վերայ, որ խաւսեցեալ եղէն ի բերանոյն երանելոյն Ներսէսի, մատնեաց Տէր զգեւղաքաղաքն զԱրշակաւանն ի ձեռս հարուածոցն: 26 Եւ սկսաւ հարկանել² զոր չարակեղն իմն կոչէն, իսկ կեսքն ժանդ անուանեն. ելաներ ի վերայ մարդկանն եւ անասնոցն: 27 Ոչ ակելի եղեւ հարուածոցն ի վերայ նոցա քան զերիս ատուրս յերկարեցաւ³, զի անմարդեցաւ⁴. քան զքսան հազարք սատակեցան երոք մարդկան, ոչ մնաց ի նոցանէ եւ ոչ մի. զի առ հասարակ սատակեցան կոտորեցան յանկարծաւորէն քանդեցան. զի միահաղոյն եկն սատակումն ի վերայ նոցա:

28 Եւ յետ այսորիկ ինքնին թագաւորն ելաներ ի խնդիր հայրապետին Ներսէսի. եւ գտեալ՝ խնդրէր ի նմանէ, զի մատուցէ աղաւթս վասն նորա, զի մի՛ գուցէ եւ նա սատակեսցի, քանզի կարի զարհուրեալ էր: 29 Ապա խաւսել սկսաներ եպիսկոպոսապետն Ներսէս ընդ թագաւորին, եւ ասէր. Չի այժմ յաշխարհիս յայսմիկ, վասն զի արդարք եւ մեղաւորք զոյգ հասարակ խառն են, վասն արդարոցն ինային մեղաւորք առ ժամանակ մի եւ ապրին, եւ յերկարին յաշխարհիս վասն նոցա կենացն եւ նոքա ի պատճառս նոցա: 30 Չի որումս սերմանեալ թշնամոյն ի վերայ սուրբ բուսոյն սերմանն ցորենոյն, ընդ նմին զոյգ հասարակ բուսեալ են. ինային վասն ցորենոյն սրբութեան եւ բոյս աղտեղութեանն որոմնս. զի մի՛ գուցէ մինչ զորումնս քաղահան արարեալ խլիցեն, խլիցի ընդ նմա եւ ցորեանն: 31 Վասն այնորիկ առ ժամանակս վայե-

^ա Երեմ. ԻԲ 13

1 *Օրինակ մի՛*՝ հաստատել զամենայն եկեղեցիսն Յայոց

2 *Յօր.* հատանել

3 *Օրինակ մի չուկի՛*՝ յերկարեցաւ

4 *Օրինակ մի՛*՝ անմարդացաւ